

Headline	Program keusahawanan wajar diajar di peringkat sekolah		
MediaTitle	Utusan Malaysia		
Date	12 Apr 2014	Color	Full Color
Section	Ekonomi	Circulation	173,387
Page No	17	Readership	699,000
Language	Malay	ArticleSize	242 cm ²
Journalist	N/A	AdValue	RM 4,827
Frequency	Daily	PR Value	RM 14,481



Program keusahawanan wajar diajar di peringkat sekolah

KUALA LUMPUR 11 April- Program keusahawanan perlu diperkenalkan di peringkat bangku sekolah lagi dalam usaha memupuk minat para pelajar di usia muda.

Alumni Universiti Teknologi dan Inovasi Asia Pasifik, Mark Darren Savuriar berkata, sekiranya pelajar diberi pendedahan mengenai perniagaan dari awal, mereka akan lebih senang untuk memahaminya.

“Kursus-kursus perniagaan di Malaysia hanya diajar di peringkat universiti. Ia sepatutnya diterap dalam sistem pendidikan pada peringkat sekolah rendah lagi.

“Generasi muda harus didedahkan dengan asas perniagaan sejak awal berbanding dibiarkan begitu sahaja tidak dilatih secara formal dan hanya mempelajari selok-belok perniagaan dan keusahawanan melalui pengalaman sendiri,” katanya dalam sesi debat pada Persidangan Usahawan-Usahawan 2020 (TEC2020) di sini hari ini.

Sesi bertajuk “Bolehkah kita mengajar keusahawanan?” itu dipengerusikan oleh Pengasas Univer-

siti HELP, Datuk Dr. Paul Chan.


Sementara itu, seorang lagi panel, Alumni Universiti Teknologi Mara (UiTM), Noel Meldan berkata, persekitaran kondusif perlu diberi perhatian dan dibangunkan dengan lebih giat untuk menggalakkan lagi aktiviti berkaitan keusahawanan di negara ini.

Beliau berkata, kemudahan prasarana termasuk rangkaian sambungan Internet dan komputer misalnya antara elemen penting buat masa kini.

Katanya, kemudahan tersebut dapat membantu usahawan tempatan menguruskan perniagaan mereka dengan pantas dan teratur di samping membolehkannya menjalankan perdagangan secara elektronik (e-dagang).

“Selain itu, saya juga berpendapat polisi perniagaan yang digunakan sekarang perlu dikaji sama ada ia masih relevan atau tidak.

“Saya percaya lebih ramai usahawan inovatif akan dapat dilahirkan sekiranya aspek-aspek ini diteliti dan diambil tindakan oleh pihak berkaitan,” katanya.



NOEL Meldan (kanan) dan Mark Darren Savuriar berdebat pada sesi Persidangan Keusahawanan (TEC 2020) di Kuala Lumpur, semalam.